



# NORSPIS

Norsk kvalitetsregister for  
behandling av spiseforstyrrelser

Váhnemiidda/ váhnenovddasteddjiide geain lea  
mánna vuollel 16 jagi

## Diehtajuohkinreive Norggá borranváltuid dikšuma kvalitehtaregistaris (NORSPIS)

Dá lea čálus mas leat dieđut Norgga borranváltuid dikšuma kvalitehtaregistara (NORSPIS) birra. Mii bivdit ahte válddát dili lohkat čálloša ja ahte humat mánáin daid dieđuid birra mat dás leat. Jus leat gažaldagat, de váldde oktavuoda divššodeddjin spesialistadearvvašvuodabálvalusas dahje NORSPIS:n.

### Manne mun oaččun dán diehtajuohkinreive?

Don oaččut dán diehtajuohkinreive go du vuollel 16-jahkásaš mánna iskkaduvvo dahje dikšojuvvo borranváltu geažil spesialistadearvvašvuodabálvalusas. NORSPIS čohkke dieđuid buot pasieanttaid birra geaidda dát guoská. Reivves gávnnat dieđuid mo NORSPIS gieđahallá ja geavaha dieđuid du máná birra, makkár vuoigatvuođat dus leat ja mo don sáhtát ávkástallat vuoigatvuođaidat.

### Maid mun ferten dahkat?

Jus dohkkehat ahte mánát dieđut vurkejuvvot ja geavahuvvot nu go dán dieđus lea čilgejuvvon, de it dárbbáš dahkat maidege. Jus it hálit ahte mánát dieđut galget vurkejuvvot NORSPIS:s de fertet várret máná (geahča vuollelis).

### Mii lea NORSPIS?

NORSPIS lea nátionála medisiinnalaš kvalitehtaregistar, mii čohkke dieđuid buot pasieanttain geat ožžot árvvoštallama dahje divššu borranváltu geažil Norgga spesialistadearvvašvuodabálvalusas. NORSPIS ulbmil lea:

- 1) háhkat eanet máhtu borranváltuid j dikšuma birra
- 2) buoridit fállujuvvon dikšuma. NORSPIS nubbe oasseulbmil lea váikkuhit borranváltuid dutkamii. Nordlándda buohcceviessu HF:s lea ovddasvástádus registaris, ja bearráigeahččá ahte persovdna- ja dearvvašvuodadieđut mat leat registaris meannuduvvot dorvvolaš vuogi mielde, nu ahte fuolahit sihke persovdnasuodjalusa ja geatnegahtton jávohisvuoda. Dearvvašvuodaregistarláhka ja njuolggadusat medisiinnalaš kvalitehtaregistar regulerejit nu mo NORSPIS jođihuvv

### Makkár dieđuid vižžet ja vurkejit NORSPIS:ii, ja gos daid vižžet?

Dieđut mat registrerejuvvot leat namma, riegádannummir ja divššohasa ja divššodeadji jearahallanskoviid vástádusat divššu álggus ja loahpas. Lea dábálaš bivdit divššohasa dahje váhnema/fuolaheaddji deavdit jearahallanskovi oassin árvvoštallamis spesialistadearvvašvuodabálvalusas. Skoviin lea sáhka makkár váttisvuođat du mánas leat ja mo árgabeaivi vásihuvvo. Dasa lassin vástida mánna dahje don máná ovddas, mo divššu vásihii ja makkár ávki das lei. Jus du mánna lea deavdán 16 jagi go dikšu loahpahuvvo, de NORSPIS sádde maiddái jearahallanskovi jagi maŋgil.

divššodeadji/dikšunbáiki vástida gažaldagaide makkár borranváltut leat, eará buozalmasvuođat, makkár dikšun lea addojuvvon ja eará medisiinnalaš gažaldagaid dego deattu ja guhkkodaga birra. Sáhtá dárbbášlaš ahte doavttir/dikšunásahus lohka pasieantajournála dárkkistan dihtii leat go rievttis dikšundieđut maid registrerejit NORSPIS:ii. NORSPIS sáhtá maid viežžat dáid ja sullásaš dieđuid Norgga pasientregistaris.

Namma ja riegádannummir vižžojuvvo vai besset čatnat dieđuid persovnnalaš identitehtii. Dat galgá sihkkarastit ahte registreremat NORSPIS:s leat riektá, ahte mii sáhttit čuovvut pasieantta áiggi mielde jus divššu oažžu mángga sajis, ja ahte galgá leat vejolaš dássádattat dieđuid NORSPIS:ii eará registariin. Dušše olbmot geain lea beassanlohpi registarii besset oaidnit geaidda dieđut gusket. Buohkain geain lea beassanlohpi registarii, lea jávohisgeatnegasvuohta. Dieđut vurkejuvvot bissovaččat registarii, dahje nu guhká go lea dárbbášlaš NORSPIS ulbmila várás.

### Mo dieđut geavahuvvot NORSPIS:as?

Dieđut NORSPIS:s sáhttet dušše geavahuvvot nu mo lea mearriduvvon ulbmiliin ja njuolggadusain mat gustojit NORSPIS:ii. Dieđut mat leat NORSPIS:s geavahuvvot ráhkadit raporttaid ja statistihkaid. Lea vejolaš ohcat dieđuid NORSPIS:s ja geavahit daid kvalitehta- dahje dutkanprošeavttain, maiddái ášahusaid rastá (ovdamearkka dihte

iešguđet buohcceviesuin). Prošeavttain ferte leat dohkkeheapmi rievttis eiseválddiin, gos dát gáibiduvvo. Dieđut addojuvvojit dábálaččat nama, riegádannummira dahje eará njuolga identifiserejeaddji dieđuid haga, baicce geavahit koda mii čatná pasieantta iežas dieđuide. Sáhttet leat sierra bovdehusat addit lassidieđuid ovdamearkka dihte dutkanprošeavttaide, muhto sáhtát hilgut dán iežat máná ovddas. NORSPIS persovdnadieđuid sáhtta čohkket (ovttastahttit) dieđuiguin mat leat eará registariin. Buot almmuhuvvon bohtosat ja statistihkka mat geavahit dieđuid NORSPIS:s leat anonymat, nu ahte ii šatta vejolaš identifiseret ovttaskas pasieantta.

### **Du vuoigatvuođat váhnemin/fuolaheaddjin**

Dus lea riekti mearridit ahte du mánná ii galgga searvat NORSPIS:ii. Dalle ferte várret máná. Dan sáhtát dahkat goas beare, almmá siva haga ja almmá ahte das leat váikkuhusat divššu ektui maid du mánná oažžu dál dahje boahpteáiggis. Jus várret máná, de sihkkojuvvojit dieđut NORSPIS:as. Sáhtát jearrat oaidnit dieđuid mat leat vurkejuvvon, ja dieđuid divvuma várás mat leat boastut. Sáhtát jearrat diehtit gii lea ožžon beassama dahje ožžon dearvvašvuođadieđuid du máná birra. Sáhtát oažžut veahki Nordlándda buohcceviesu diehtosuodjalanbargis. Jus oaivvildat ahte dieđut meannuduvvojit boastut, de sáhtát sáddet váidaga Diehtobearráigeahču dahje Norgga dearvvašvuođaeiseváldái.

### **Mo várret mánát**

1. Sáhtát juogo: Várret mánát Helsenorges. Logge sisa [www.helsenorge.no](http://www.helsenorge.no) neahttasiiddus ja vállje ahte ovddastat iežat máná. Deaddilat máná nama -> Profiila ja njuolggadusat -> Persovdnadieđu njuolggadusat. Deaddilat "Rievdat njuolggadusaid" -boalu "Dutkan, iskkadeapmi ja dearvvašvuođadieđut" vuolde. Vállje «Norgga kvalitehtaregisttar borranváltuid dikšuma várás (NORSPIS)», deaddilat «Várren persovdnadieđuid virkkodeami vuostá NORSPIS:ii». Merke ja deaddel "Mun várren".

2. Dahje: Váldde oktavuoda NORSPIS:in, ja mii dahkat várrema du ovddas. Don oaččut čálalaš duođaštusa ahte leat várren mánát.

#### **Eanet dieđut**

Min neahttasiiddus [norspis.no](http://norspis.no) gávnnat:

- Oppalašgova buot dieđuin mat leat registrerejuvvon NORSPIS:ii.
- Dábálaš dieđuid registtardieđuid geavaheamis.

#### **NORSPIS oktavuodadieđut**

- Telefodna: 75501081
- E-boasta: [norspis@nlsh.no](mailto:norspis@nlsh.no) (Ale sádde čiegus dieđuid epoasta bokte)
- Poastačujuhus: NORSPIS, Nordlandssykehuset HF, Regionalt senter for spiseforstyrrelser, Postboks 1480, 8092 Bodø

#### **Nordlándda buohcceviesu diehtosuodjalanbargi oktavuodadieđut**

- Telefodna: 75571927
- E-boasta: [personvernombudet@nordlandssykehuset.no](mailto:personvernombudet@nordlandssykehuset.no) (Ale sádde čiegus dieđuid epoasta bokte)
- Eanet dieđuid diehtosuodjalanbargi birra gávnnat neahttasiiddus [www.nlsh.no](http://www.nlsh.no)

#### **Diehtobearráigeahču oktavuodadieđut**

- Telefodna: 22396900
- Poastačujuhus: Datatilsynet, PO Box 458 Sentrum, 0105 Oslo
- Eambbo dieđuid váidalusaid ja du persovdnasuodjalanvuoigatvuođaid birra gávnnat dáppe: [www.datatilsynet.no](http://www.datatilsynet.no)

#### **Oktavuodadieđut Norgga dearvvašvuođadoaimmahakkii**

- Telefodna: 21529900
- Poastačujuhus: Statens helsetilsyn, postboks 231 Skøyen, 0213 Oslo
- Eambbo dieđuid oaččut: [www.helsetilsynet.no](http://www.helsetilsynet.no)

**Giitu buohkaide geat váikkuhit NorSpis:ii!**